



# Je, nitamsaidia vipi mtu ambaye amepoteza bima yake ya afya ya Medicaid?

## Hakikisha kwamba taarifa za mtu huyo zimesasishwa.

Anaweza kuangalia mtandaoni ili kuhakikishwa kwamba taarifa zake ni sahihi kwenye akaunti yake ya myCase kwa kutembelea [jobs.utah.gov/mycase](https://jobs.utah.gov/mycase) au kupiga simu kwa huduma yoyote kati ya zifuatazo ili kusasisha taarifa zake.

- Bima yake ya afya
- Idara ya Huduma za Wafanyakazi (DWS) kupitia 1-866-435-7414
- Mtumishi wa huduma kwa wateja wa bima ya afya kupitia 1-866-608-9422

## Mwambie mtu huyo aangalie akaunti yake ya myCase, barua za posta, na barua pepe kwa umakini.

Idara ya DWS itasasisha akaunti yake ya myCase na kumtumia barua ya posta au barua pepe baada mpango wake wa bima kupitiwa. Barua hiyo itasema jambo **moja** kati ya yafuatayo:

- Bado **anastahiki** kupata bima ya afya ya Medicaid.
- Mtu huyo **hastahiki** kupata Medicaid tena. Barua hiyo itakuwa na hatua ambazo anaweza kuchukua ili kupata bima tofauti ya afya.
- **Taarifa zaidi zinahitajika** ili kubaini ikiwa bado anastahiki kupata Medicaid. Barua hiyo itakuwa na fomu anazofaa kujaza na huenda ikamuomba hati za kuunga mkono ombi lake (kama vile hati za malipo ya mshahara, taarifa za benki, n.k.). **Anahitaji kutuma hati hizo haraka iwezekanavyo ili asipitishie tarehe ya mwisho iliyowekwa.**

## Msaidie mtu huyo kujiandikisha kupata bima tofauti ya afya.

Watu wanaopoteza bima yao ya Medicaid kwa sababu hawakuwasilisha hati zao, huenda bado wana siku 90 za kuomba kupata bima tena. Mwambie arejeshe fomu ya mapitio au hati nyingine inayohitajika na idara ya DWS mara moja,

Watu wasiostahiki kupata bima ya afya ya Medicaid bado wanaweza kupata bima kupitia **Huduma ya Bima ya Afya ya serikali ya taifa au [healthcare.gov](https://healthcare.gov)**. Watu wengi wanastahiki kuweza kuweka pesa za akiba katika bima ya afya ili kupunguza malipo ya bima ya kila mwezi na kiasi cha pesa wanachohitajika kujilipia kila wanapotafuta matibabu. Pesa za akiba hulingana na ukubwa wa kaya na mapato ya mtu huyo. Bima zote za afya za serikali ya taifa hulipia dawa zilizoagizwa na daktari, wakati wa kutembelea daktari, matatizo ya afya yanayohitaji matibabu ya haraka, wakati wa kutembelea hospitali, na zaidi.

Watu wanaopoteza bima ya Medicaid wana hadi siku 60 za kuomba kupata bima ya afya katika Huduma ya Bima ya Afya ya serikali ya taifa. Bima za afya kwa kawaida huwa na kipindi cha kujisajili kila mwaka ambapo watu wanaweza kujiandikisha kupata bima ya afya. Watu huruhusiwa tu kujiandikisha ndani ya kipindi hicho isipokuwa kama mtu ana kisa cha kipekee kinachomruhusu kuandikishwa nje ya kipindi hicho. Ikiwa mtu hastahiki kupata Medicaid tena, inachukuliwa kwamba ana kisa cha kipekee kinachomruhusu kuandikishwa nje ya kipindi kilichowekwa. Hii inamaanisha kwamba watu huwa na **siku 60 baada ya kupoteza bima yao ya Medicaid** ili waweze kujiandikisha kupata bima mpya ya afya.

Tembelea [healthcare.gov/medicaid-chip/transfer-to-marketplace/](https://healthcare.gov/medicaid-chip/transfer-to-marketplace/) ili kupata maelezo zaidi.